

八代詩選

齊已後新體詩第一

八代詩選十二

齊全梁上

長沙湘潭王闓運撰

王融

臨高臺

游人欲騁望積步上高臺
井蓮當夏吐窗桂逐秋開
花飛低不入鳥散遠時來
還看雲棟影含月共徘徊

和王友德元古意

游禽暮知返行人獨未歸
坐銷芳草氣空度明月輝
顰容入朝鏡思淚點春衣
巫山彩雲沒淇上綠楊稀
待君竟不至秋雁雙雙飛

人傳詩選 齊全梁上
一
餞謝文學離夜

所知共歌笑誰忍別笑歌離軒思黃鳥分渚夢青莎翻情
結遠旆灑淚與行波春江夜明月還望情如何

琵琶

抱月如可明懷風殊復清絲中傳意緒花裏寄春情掩抑
有奇態淒鏘多好聲芳袖幸時拂龍門空自生

詠幔

幸得與珠綴霽懸君之楹月暎不辭卷風來輒自輕每聚
金爐氣時駐玉琴聲但願置尊酒蘭釭當夜明

蕭子隆

經劉巖墓下

升堂子不謬問道余未窮如何辭白日千載隔音容山門
一已絕長夜緬難終初松切暮鳥新楊催曉風榛闢向蕪
密泉塗轉銷空

王儉

春詩

風光承露照霧色點蘭暉青荑結翠藻黃鳥弄春飛
後園餞從兄豫章

茲夕竟何夕念別開曾軒光風轉蘭蕙流月汎虛園

徐孝嗣

白雪歌

風闌晚翻靄月殿夜凝明願君早流盼無令春草生

謝朓

隋王鼓吹曲十首

入朝曲

江南佳麗地金陵帝王州逶迤帶綠水迢遞起朱樓飛甍夾馳道垂楊蔭御溝凝笳翼高蓋疊鼓送華輶獻納雲臺表功名良可收

出藩曲

雲枝紫微側分組承明阿飛艤遡極浦旌節去關河眇眇

蒼山色沈沈寒水波饒音巴渝曲簫鼓盛唐歌夫君邁惟
德江漢仰清和

登山曲

天明開秀峯瀾光媚碧隄風盪飄鸞亂雲行芳樹低暮春
春服美游駕陵丹梯升嶠旣小魯登巒且悵齊王孫尙游
衍蕙草正萋萋

泛水曲

玉露霑翠葉金風鳴素枝罷游平樂苑泛鷁昆明池旌旗
散容裔簫管吹參差日晚厭遵渚采菱贈清漪百年如流
水寸心甯其知

秋竹曲

嫵媚綺窗北結根未參差從風旣嫵嫵
暝日頗離離欲求
棗下吹別有江南枝但能淩白雪貞心蔭曲池

曲池之水

緩步遵莓渚披衿待蕙風芙蓉舞輕帶苞筍出芳叢浮雲
自西北江海思無窮鳥去能傳響見我綠琴中

新亭渚別范零陵雲

洞庭張樂地瀟湘帝子游雲去蒼梧野水還江漢流停驂
我悵望輟棹子夷猶廣平聽方藉茂陵將見求心事俱已
矣江上徒離憂

移病還園示親屬

疲策倦人世
斂性就幽蓬
停琴佇涼月
滅燭聽歸鴻
涼薰乘暮
晰秋華
臨夜空
葉低知
露密崖
斷識雲
重折荷
葦寒袂
開鏡盼
衰容海
暮騰清
氣河關
祕樓沖
煙衡時
未歇芝
蘭去相從

和劉西曹望海臺

滄波不可望
望極與天平
往往孤山
暎處處
春雲生
差池遠
雁沒颿
杳羣鳧
驚鷁塵
及簿領
棄捨出
重城
臨川徒可
羨結罔
庶時營

送江兵曹檀主簿朱孝廉還上國

方舟汎春渚攜手趨上京安知暮歸客詎憶山中情香風
縈上發好鳥葉間鳴揮袂送君已獨此夜琴聲

臨溪送別

悵望南浦時徒倚北梁步葉上涼風初日隱輕霞暮荒城
迴易陰秋溪廣難渡珠泣豈徒然君子行多露

和何議曹郊游

春心澹容與挾弋步中林朝光暎紅萼微風吹好音江垂
得清賞山際果幽尋未嘗遠離別知此愜歸心流沂終靡
已嗟行方至今

和徐都曹出新亭渚

宛洛佳敖游春色滿皇州結軫青郊路回瞰蒼江流日華
川上動風光草際浮桃李成蹊徑桑榆蔭道周東都已倣
載言歸望綠疇

贈王主簿

清吹要碧玉調弦命綠珠輕歌急綺帶含笑解羅襦餘曲
詎幾許高駕且峙嶠裴回韶景暮惟有洛城隅

離夜

玉繩隱高樹斜漢耿層臺離堂華燭盡別幌清琴哀翻潮
尚知恨客思眇難裁山川不可夢況乃故人杯

夜聽妓

上客光四座佳麗直千金挂釵報纓絕墮珥答琴心蛾眉
已共笑清香復入襟歡樂夜方靜翠帳垂沈沈

奉和隨王殿下十六首

清房洞已靜閒風依夜來雲生樹陰遠軒廣月容開宴私
移燭影游賞藉琴臺風猷冠淄鄴衽舄愧鄒枚

分悲玉瑟斷別緒金尊傾風入芳帷散釭華蘭殿明想折
中園草共知千里情行雲故鄉色贈此一離聲

年華豫已滌夜艾賞方融新萍時合水弱草未勝風閨幽
瑟易響臺迴月難中春物廣餘照蘭護佩未窮

同謝諮議詠銅雀臺

繡帷飄井幹尊酒若平生鬱鬱西陵樹詎聞歌吹聲芳襟
染淚跡嬋娟空復情玉坐猶寂寞況乃妾身輕

同王主簿有所思

佳期期未歸望望下鳴機徘徊東陌上月出行人稀
銅雀悲

落日高城上餘光入繡帷寂寂深松晚甯知琴瑟悲
玉階怨

夕殿下珠簾流螢飛復息長夜縫羅衣思君此何極
金谷聚

渠枕送佳人玉杯邀上客車馬一東西別後思今夕

王孫游

綠草蔓如絲，雜樹紅英發。無論君不歸，君歸芳已歇。

和王中丞聞琴

涼風吹月露，圓景動清陰。蕙風入懷抱，聞君此夜琴。蕭瑟滿林聽，輕鳴響澗音。無爲澹容與，蹉跎江海心。

詠薔薇

低枝詎勝葉，輕香幸自通。發萼初攢紫，餘采尙霏紅。新花對白日，故紫逐行風。參差不俱耀，誰肯盼微叢。

詠燭

杏梁賓未散，桂宮明欲沈。曖色輕帷裏，低光照寶琴。徘徊

雲髻影的爍綺疏金恨君秋月夜遺我洞房陰

張融

別詩一首

白雲山上盡清風松下歇欲識離人悲孤臺見明月

梁昭明太子蕭統

晚春

紫蘭葉初滿黃鸝弄始稀石蹲還似獸羅長更勝衣水曲
文魚聚林冥鴉鳥飛渚蒲變新節巖桐長舊園風花落未
已山齋開夜扉

詠彈箏人

故箏猶可惜應度幾人邊塵多跢移柱風燥脆調弦還信
三洲曲誰念九重泉

簡文帝綱

上之回

前旆拂回中後車臨桂宮輕絲駐雲罕春色繞川風桃林
方灼灼柳路日曈曈笳聲駭胡騎清磬警山戎微臣今拜
手願帝永無窮

蜀國弦歌篇十韻

銅梁指斜谷劍道望中區通星上分野作固下爲都雅歌
因良守妙舞自巴渝陽城嬉樂所劍騎鬱相趨五婦行難

至百兩好游娛
牲祈望帝祀
酒酹蜀侯姝
江妃納重聘
卓女受將雛
停弦時繫爪
息吹更治朱
脫衫湔錦浪
回扇避陽烏
聞君握節返
賤妾下城隅

豔歌篇十八韻

陵晨光景麗
倡女鳳樓中
前瞻削成小
旁望卷旌空
分妝開淺靨
繞臉傅斜紅
張琴未調軫
飲吹不全終
自知心所愛
出入仕秦宮
誰言連尹屈
更是莫敖通
輕輶綴阜蓋
飛轡轢雲驄
金鞍隨繫尾
銜璫映纏鬢
戈鏤荆山玉
劍飾丹陽銅
左把蘇合彈
旁持大屈弓
控弦因鵲血
挽彊用牛螭
弋獵多登隴
酣歌每入豐
輝輝隱落日
冉冉還房櫳
燈生

陽燧火塵散鯉魚風流蘇時下帳象簾復韜簡霧暗窗前
柳寒疎井上桐女蘿託松際甘瓜蔓井東拳拳恃君寵歲
暮望無窮

妾薄命篇十韻

名都多麗質本自恃容姿蕩子行未至秋胡無定期玉兒
歇紅臉長顰慣翠眉匳鏡迷朝色縫鍼脫故絲本異搖舟
咎何關竊席疑生離誰拊背溘死詎來遲王嬙兒本絕跟
蹠入氊帷盧姬嫁日晚非復少年時轉山猶可遂烏白望
難期妾心徒自苦旁人會見嗤

從軍行

貳師惜善馬樓蘭貪漢財前年出右地今歲討輪臺魚雲
望旗聚龍沙隨陳開冰城朝浴鐵地道夜銜枚將軍號令
密天子璽書催何時返舊里遙見下機來

汎舟橫大江

滄浪白日輝游子出王畿旁望重山轉前觀遠帆稀廣水
浮雲吹江風引夜衣旅雁同洲宿寒鳧夾浦飛行客誰多
病當念早旋歸

隴西四戰地羽檄歲時聞護羌擁漢節校尉立元勳石門
留鐵騎冰城息夜軍洗兵逢驟雨送陳出黃雲沙長無止
泊水脈屢縈分當思勒彝鼎無用想羅羣

悠悠縣旆旌知向隴西行
減竈驅前馬銜枚進後兵
沙飛朝似幕雲起夜凝城
回山時阻路絕水亟稽程
往年郅支服今歲單于平方
歡凱樂盛飛蓋滿西京

雁門太守行

輕霜中夜下黃葉遠辭枝
寒苦春難覺邊城秋易知
風急旂旗斷涂長鎧馬疲
少解孫吳法家本幽并
見非關買雁肉徒勞皇甫
規

隴暮風恆急關寒霜自濃
櫪馬夜方思邊衣秋未重
潛師夜接戰略地曉摧鋒
悲笳動胡塞高旗出漢墉
勤勞謝功業清白報迎逢
非須主人賞甯期定遠封
單于如未繫終

夜慕前蹤

京洛篇

南游偃師縣斜上灞陵東回瞻龍首堞遙望德陽宮重門
遠照耀天閣復穹窿城旁疑複道樹裏識松風黃河入洛
水丹泉繞射熊夜輪縣素魄朝光蕩碧空秋霜曉驅雁春
雨暮成虹曲陽造甲第高安還禁中劉蒼歸作相竇憲出
臨戎此時車馬合茲晨冠蓋通誰知兩京盛歡宴遂無窮
權歌行

妾家住湘川菱歌本自便風生解刺浪水深能捉船葉亂
由牽荇絲飄爲折蓮濺妝疑薄汗霑衣似故湔浣紗流暫

濁汰錦色還鮮參同趙飛燕借問李延年從來入弦管誰
在櫂歌前

怨歌行

十五頗有餘日照杏梁初蛾眉本多嫉掩鼻特成虛持此
傾城兒翻爲不肖軀秋風吹海水寒霜依玉除月光臨戶
駛荷花依浪舒望檐悲雙翼窺沼泣前魚落生履處沒草
合行人疎裂紕傷不盡歸骨恨難祛早知長信別不避後
園輿

美女篇

佳麗盡關情風流最有名約黃能效月裁金巧作星粉光

勝玉靚衫薄擬蟬輕密態隨流臉嬌歌逐軟聲朱顏半已
醉微笑隱香屏

茱萸女

茱萸生狹斜結子復銜花遇逢纖手摘濫得暎鉛華雜與
鬟簪插偶逐鬢鈿斜東西爭贈玉縱橫來問家不無夫婿
馬空駐使君車

有所思

昔未離長信金翠奉乘輿何言人事異夙昔故恩疎寂寞
錦筵靜玲瓏玉殿虛掩閨泣團扇羅幌詠薜蘿

和湘東王橫吹曲三首

八代詩選

新體詩
齊全梁上

七

折楊柳

楊柳亂成絲攀折上春時
葉密鳥飛礙風輕花落遲
城高短簫發林空畫角悲
曲中無別意併是爲相思

洛陽道

洛陽佳麗所大道滿春光
游童初挾彈蠶妾始提筐
金鞍照龍馬羅袂拂春桑
玉車爭晚入潘果溢高箱

紫騮馬

賤妾朝下機正值良人歸
青絲縣玉鐙朱汗染香衣
驟急珂彌響踣多塵亂飛
彫菰幸可薦故心君莫違

長安道

神皋開隴右陸海實西秦金槌抵長樂複道向宜春落花
依度幰垂柳拂行輪金張及許史夜夜尙留賓

明君詞

玉豔光瑤質金鈿婉黛紅一去蒲萄觀長別披香宮秋檐
照漢月愁帳入胡風妙工偏見詆無由情恨通

詠中婦織流黃

翻花滿階砌愁人獨上機浮雲西北起孔雀東南飛調絲
時繞挽易鑷乍牽衣鳴梭逐動釧紅妝映落輝

豔歌行

雲楣桂成戶飛棟杏爲梁斜窗通黛氣細隙引塵光裁衣

魏后尺汲水淮南牀青驪莫當返預使羅裾香

賦得當壚

十五正團團流光滿上蘭當壚設夜酒宿客解金鞍迎來
挾瑟易送別但歌難欲知心恨急翻令衣帶寬
擬沈隱侯夜夜曲

靄靄夜中霜河開向曉光枕嚔常帶粉身眠不著牀蘭膏
盡更益薰鑪滅復香但問愁多少便知夜短長

獨處怨

獨處恆多怨開幕試臨風彈碁鏡匳上傳粉高樓中自從
征馬去音信不曾通只恐金屏掩明年已復空

楚妃歎

幽閨情脈脈漏長宵寂寂草螢飛夜戶絲蟲繞秋壁薄笑
未爲欣微歎還成戚金簪鬢下垂玉筍衣前滴

侍游新亭應令

神襟愍行邁岐路愴徘徊遙瞻十里陌旁望九城臺鳳管
流虛谷龍騎藉春苔曉光浮野暎朝煙承日迴沙文浪中
積春陰江上來柳葉帶風轉桃花含雨開聖情蘊珠綺札
命表英才顧憐砭砭質何以儷瓊瓌

登烽火樓

聳樓排樹出卻堞帶江清陟峰試遠望鬱鬱盡郊京萬邑

王畿曠三條綺陌平亘原橫地險孤嶼派流生悠悠歸棹
入渺渺去帆驚水煙浮岸起遙禽逐霧征

翫漢水

雜色崑崙水泓澄龍首渠豈若茲川麗清流疾且徐離離
細磧淨藹藹樹陰疎石衣隨溜卷水芝扶浪舒連翩寫去
楫鏡澈倒遙墟聊持點纓上於是察川魚

經琵琶峽

由來歷山川此地獨回遘百嶺相紆蔽千崖共隱天橫峰
時礙水斷岸或通川還瞻已迷向直去復疑前夕波照孤
月山枝斂夜煙此時愁緒密□□魂九遷

仙客

漆水豈難變桐刀乍可揮青書長命錄紫水芙蓉衣高翔
五岳小低望九河微穿池聽龍長叱石待羊歸酒闌時節
久桃生歲月稀

望同泰寺浮圖

遙看官佛圖帶壁復垂珠燭銀踰漢汝寶鐸邁昆吾日起
光芒散風吟宮徵殊露落盤恆滿桐生鳳不雛飛幡雜晚
虹畫鳥狎晨鳧梵世凌空下應眞蔽景趨帝馬咸干轡天
衣盡六銖意樂開長表多寶見金軀能令苦海渡復使慢
山踰願能同四忍長當出九居

旦出興業寺講

沐芳肅朝帶駕言抵淨宮羽旗承去影
鐃吹雜還風吳戈夏服箭驥馬綠沈弓
水照柳初碧煙含桃半紅由來六塵縛
宿昔五纏朦見鶴徒知謬察象理難同
方知惡四辨奚用語三空

率爾成詠

借問仙將畫詎有此佳人傾城且傾國
如雨復如神漢后憐名燕周王重姓申
挾瑟曾游趙吹簫屢入秦玉階偏望樹
長廊每逐春約黃出意巧纏弦用法新
迎風時引袞避日暫披巾疎花映髻插
細佩遶衫身誰知日欲薄含羞不

自陳

秋閨夜思

非關長信別詎是良人征九重忽不見萬恨滿心生夕門
掩魚鑰宵牀悲畫屏迴月臨窗度吟蟲繞砌鳴初霜竇細
葉秋風吹亂螢故妝猶累日新衣製未成欲知妾不寐城
外擣砧聲

詠內人晝眠

北窗聊就枕南閣日未斜攀鉤落綺障插板舉琵琶夢笑
開嬌靨眠鬟壓落花簾文生玉腕香汗浸紅紗夫婿恆相
伴莫誤是倡家

詠舞

可憐稱二八
逐節似飛鴻
縣勝河陽妓
暗與淮南同
入行看履進轉
面望鬟空
婉動若華玉
衫隨如意風
上客何須起
嘒烏未肯終

和湘東王首夏

冷風雜細雨
垂雲助夢涼
竹水俱蔥翠
花蝶兩飛翔
燕泥銜復落
鵲吟斂更揚
臥石藤爲纜
山橋樹作梁
欲待華池上
明月吐清光

納涼

斜日晚駸駸
池塘生半陰
避暑高梧側
輕風時入衿
落花

還就影驚蟬乍失林游魚吹水沫神蔡上荷心翠竹垂秋
采丹棗暎疎砧無勞夜游曲寄此託微吟

晚景納涼

日移涼氣散懷抱信悠哉珠簾影空卷桂戶向池開烏棲
星欲見河淨月應來橫階入細荀蔽地溼輕落草化飛爲
火蟲聲合似雷於茲靜聞見自此歇氛埃

初秋

羽翼晨猶動珠汗晝恆揮秋風忽嫋嫋向夕引涼歸浮陰
卽染浪清氣始乘衣卷幌通河色開窗引月輝晚花闌下
照疏螢簾上飛直置猶如此何況送將歸

大同十年十月戊寅

喧塵是時息靜坐對重巒冬深柳條落雪後桂枝殘星明
霧色淨天白雁行單雲飛乍想閣冰結遠疑紈晚橘隱重
屏枯藤帶迴竿荻陰連水氣山峰添月寒

賦得隴坻雁初飛

高翔憚闊海下去怯虞機霧暗早相失沙明還共飛隴狹
朝聲聚風急暮行稀雖弭輪臺援未解龍城圍相思不得
返且寄別書歸

采蓮曲

晚日照空磯采蓮承晚暉風起湖難度蓮多摘未稀棹動

芙蓉落船移白鷺飛荷絲旁繞挽菱角遠牽衣

賦樂府得大垂手

垂手忽迢迢飛燕掌中嬌羅衣恣風引輕帶任情搖詎是
長沙地促舞不回腰

江南思

桂楫晚應旋厯岸扣輕舷紫荷擎釣鯉銀筐插短蓮人歸
浦口暗那得久迴船

餞別

行樂出南皮讌餞臨華池籜解篁開節花暗鳥迷枝窗陰
隨影度水色帶風移徒命銜杯酒終成憫別離

人言詩選 齊全梁上 二
晚景出行

細樹含殘影春閨散晚香輕花鬢邊墮微汗粉中光飛覺
初罷曲哢烏忽度行羞令白日暮車騎鬱相望

春閨

楊柳葉纖纖佳人懶纖縑正衣還向鏡迎春試卷簾摘梅
多繞樹覓燕好窺檐只言逐花草計校應非嫌

詠人棄妾

昔時嬌玉步含羞花燭邊豈言心愛斷銜哢私自憐常見
歡成怨非關醜易妍獨鵲罷中路孤鸞死鏡前

美人晨妝

北窗向朝鏡錦帳復斜縈嬌羞不肯出猶言妝未成散黛
隨眉廣燕支逐臉生試將持出眾定得可憐名

和林下妓應令

炎光向夕斂促宴臨前池泉將影相得花與面相宜管聲
長鳥哢舞袂寫風枝歡樂不知醉千秋長若斯

擬落日窗中坐

杏梁斜日照餘輝映美人開函脫寶釧向鏡理紈巾游魚
動池葉舞鶴散階塵空嗟千歲久願得及陽春

雪裏覓梅花

絕訝梅花晚爭來雪裏窺下枝低可見高處遠難知俱羞

惜挽露相讓到腰羸定須還翦綵學作兩三枝

晚日後堂

幔陰通碧砌日影度城隅岸柳垂長葉窗桃落細跗花留
蛺蝶粉竹翳蜻蜓珠賞心無與其染翰獨峙嶠

春日

年還樂應滿春歸思復生桃舍可憐紫柳發斷腸青落花
隨燕入游絲帶蝶驚邯鄲歌管地見許欲留情

元圃納涼

登山想劍閣逗浦憶辰陽飛流如凍雨夜月似秋霜螢翻
競晚熱蟲思引秋涼鳴波知礙石暗草別蘭香

秋夜

高秋度函谷墜露下芳枝綠潭倒雲氣青山銜月規花心
風上轉葉影樹中危外游獨千里夕歎誰共知

和湘東王陽雲樓檐柳

曖曖陽雲臺春柳發新梅柳枝無極輦春風隨意來潭沔
青帷閉玲瓏朱扇開佳人有所望車聲非是雷

詠蛺蝶

空園暮煙起逍遙獨未歸翠鬢藏高柳紅蓮拂水衣復此
從風蝶雙雙花上飛寄與相知者同心終莫違

詠螢

本將秋草并今與夕風輕騰空類星質拂樹若花生屏疑
神火照簾似夜珠明逢君拾光彩不恡此身傾

和湘東王三韻春宵一首

花樹含春叢羅帳夜長空風聲隨篠韻月色與池同彩牋
徒自發無信往雲中

詠晚閨

珠簾向暮下天姿不可追花風暗裏覺蘭燭帳中飛何時
玉窗裏夜夜更縫衣

同庾肩吾四詠蓮舟買荷度

采蓮前岸隈舟子屢徘徊荷披衣可識風疏香不來欲知

船度處當看荷葉開

詠芙蓉

圓花一蒂卷交葉半心開影前光照耀香裏蝶徘徊欣隨
玉露點不逐秋風催

詠梔子花

素華偏可喜的的半臨池疑爲霜裹葉復類雪封枝日斜
光隱見風還影合離

愁閨照鏡

別來憔悴久他人怪容色只有匣中鏡還持自相識

金閨思

游子久不返妾身當何依日移孤影動羞覩燕雙飛
從頓還城南

暫別兩成疑開簾生舊憶都如未有情更似新相識
夜遣內人還後舟

錦幔扶船列蘭橈拂浪浮去燭猶文水餘香尙滿舟
雜詠

被空眠數覺寒重夜風吹羅帷非海水那得度前知
望月

今夜月光來正上相思臺可憐無遠近光照悉徘徊
詠疏楓

萋綠映葭青疏紅分浪白花葉灑行舟仍持送遠客
蜂

逐風從泛漾照日乍依微知君不留盼銜花空自飛
詠獨舞

因羞強正釵顧影時回袂非關喜留客更是嬌夫婿

元帝繹

芳樹

芬芳君子樹交柯御宿園桂影含秋月桃花染春源落英
逐風聚輕香帶縈翻叢枝臨北閣灌木隱南軒交讓良宜
重成蹊何用言

八代詩選

新體詩一
卷全上

三

巫山高

巫山高不窮，迴出荆門中。
灘聲下濺石，鰲鳴上逐風。
樹雜山如畫，林暗澗疑空。
無因謝神女，一爲出房櫳。

折楊柳

巫山巫峽長，垂柳復垂楊。
同心且同折，故人懷故鄉。
山似蓮花豔，流如明月光。
寒夜煖聲徹，游子淚霑裳。

飛來雙白鶴

紫蓋學仙成，能令吳市傾。
逐舞隨疎節，聞琴應別聲。
集田遙赴影，隔霧近相鳴。
時從洛浦渡，飛向遼東城。

赴荊州泊三江口

涉江望行旅金鉦間綵旂水際含天色虹光入浪浮柳條
恆拂岸花氣盡薰舟叢林多故社單戍有危樓疊鼓隨朱
鷺長簫應紫騮蓮舟夾羽筆畫舸覆緹油榜歌殊未息於
此汎安流

藩難未靜述懷

玉節威雲夢金鉦韻渚宮霜戈臨塹白日羽暎流紅簾
醪結猛將芳餌引羣雄箭擁淇園竹劍聚若溪銅亟覩周王
駿多逢鮑氏驄謀出河南賈威寄隴西馮溪雲連陳台卻
月半山空樓前飄密柳井上落疎桐差營逢注雨立壘挂
長虹

和劉尚書侍五明集詩

帝德洽區宇垂衣彰太平黃唐慙慙實子姒惡嘉聲治定
陳五禮功成奏六英汲引留宸鑒舟航動睿情法王唯一
法無生信不生因因從此見果果自斯明元良仰副后宮
一震鴻名龜藏踰啟筮魯史冠春卿日宮佳氣滿月殿善
風清綺錢蔽西觀緹幔卷南榮金門練朝鼓玉壺休夜更
宮槐留曉合城烏侵曙鳴露光枝上宿霞影水中輕虛薄
今何事徒知戀法城

登顏園故閣

高樓三五夜流影入丹墀先時留上客夫婿美容姿妝成

理蟬鬢笑罷斂蛾眉
衣香知步近釧動覺行遲
如何舞館樂翻見歌梁
悲猶縣北窗幌未卷
南軒帷寂寂空郊暮
非復少年時

夕出通波閣下觀妓

蛾月漸成光燕姬戲小堂
胡舞開春閣鈴盤出步廊
起龍調節奏卻鳳點笙簧
樹交臨舞席荷生夾妓航
竹密無分影花疎有異香
舉杯聊轉笑歡茲樂未央

別荊州吏民

玉節居分陝金貂總上流
麾軍時舉扇作賦且登樓
年光徧原隰春色滿汀洲
日華三翼舸風轉七星旂
向解青絲

纜將移丹桂舟

望江中月影

澄江函皓月水影若浮天風來如可汎流急不成圓秦鉤
斷復接和璧碎還聯裂紈依岸草斜桂逐行船卽此春江
上無俟百枝然

賦得蘭澤多芳草

春蘭本無絕春澤最葳蕤燕姬得夢罷尙書奏事歸臨池
影入浪從風香拂衣當門已芬馥入室更芳菲蘭生不擇
逕十步豈難稀

賦得竹

嶰谷管新抽淇園節復修作龍還葛水爲馬向并州柯亭
臨絕澗桃枝夾細流冠學芙蓉樣花堪威鳳游邛王若有
獻張騫應拜侯

晚棲烏

日暮連翩翼俱向上林棲風多前鳥駛雲暗後羣迷路遠
聲難徹飛斜行未齊應從故鄉返幾過入蘭闥借問倡樓
妾何如蕩子妻

登江州百花亭懷荆楚

極目纔千里何由望楚津落花灑行路垂楊拂砌塵柳絮
飄晴雪荷珠漾水銀試酌新春酒遙勸陽臺人

早發龍巢

征人喜放溜曉發辰陽隈初言前浦合定覺近洲開不疑
行舫動唯看遠樹來還瞻起漲岸稍隱陽雲臺

夜宿柏齋

燭暗行人靜簾開雲影入風細雨聲遲夜短更籌急能下
班姬淚復使倡樓泣況此客游人中宵空佇立

後園看騎馬

良馬出蘭池連翩驅桂枝鳴珂隨跼駛輕塵逐影移香來
知驟近汗斂覺風吹遙望黃金絡縣識幽并兒

和劉上黃春日

新鶯隱葉轉新燕向窗飛柳絮時依酒梅花乍入衣玉珂
逐風度金鞍暎日輝無令春色晚獨望行人歸

戲作豔詩

入堂值小婦出門逢故夫含辭未及吐絞衷且躊躇搖茲
扇似月掩此淚如珠今懷故無已故情今有餘

和林下作妓應令

日斜下北閣高宴出南榮歌清隨澗響舞影向池生輕花
亂粉色風篠雜弦聲獨念陽臺下願待洛川笙

祀伍相廟

石城甯足拒金陳詎能追楚關開六塞吳兵入九圍山水

猶縈帶城池失是非空餘壽宮在日暮舞靈衣

詠風

樓上試朝妝風花下砌旁入鏡先飄粉翻衫好染香度舞
飛長裏傳歌共繞梁欲因吹少女還持拂大王

詠陽雲樓檐柳

楊柳非花樹依樓自覺春枝邊通粉色葉裏映紅巾帶日
交簾影因吹埽席塵拂檐應有意偏宜桃李人

晚景游後園

高軒聊騁望煥景入川梁波橫山渡影雨罷葉生光日移
花色異風散水紋長

詠歌

汗輕紅粉溼坐久翠眉愁傳聲入鐘磬餘響雜箜篌
詠梅

梅含今春樹還臨先日池人懷前歲憶花發故年枝
詠螢火

著人疑不熱集草訝無煙到來燈下暗翻往雨中然
幽遍詩四首

南風且絕唱西陵最可悲今日還蒿里終非封禪時
人生逢百六天道異貞恆何言異螻蛄一旦損鯢鵬
松風侵曉哀霜霧當夜來寂寥千載後誰畏軒轅臺

夜長無歲月安知秋與春原陵五樹杳空得動耕人

蕭綸

代秋胡婦閨怨

蕩子從游宦思妾守房櫳塵鏡朝朝掩寒衾夜夜空若非
新有悅何事久西東知人相憶否淚盡夢嗁中

車中見美人

關情出眉眼軟媚著腰肢語笑能嬌嬖行步絕逶迤空中
自迷惑渠旁會不知縣念猶如此得時應若爲

見姬人

春來不復賒入苑駐行車比來妝點異今世撥鬟斜卻扇

承枝影舒衫受落花狂夫不妒妾隨意晚還家

蕭紀

和湘東王夜夢應令

昨夜夢君歸賤妾下鳴機縣知意氣薄不著去時衣故言
如夢裏賴得雁書飛

閨妾寄征人

斂色金星聚縈悲玉筍流願君看海氣憶妾上高樓

蕭暕

奉和太子秋晚詩

副君乘暇景臨秋坐北宮杏梁照初月蓮池引夕風清輝

洞藻井流香入綺襲鵲聲時徙樹螢光乍滅空涼氛散簟
席露色變林叢

蕭正德

將奔魏詠竹火籠

橫榦屈曲盡蘭麝氛氲消欲知懷炭日正是履霜朝

劉琨

胡姬年十五

虹梁照曉日淥水泛香蓮如何十五少含笑酒壚前花將
面自許人共影相憐回頭堪百萬價重爲時年

沈約

洛陽道

洛陽大道中佳麗實無比
燕帶旁日開趙帶隨風靡
領上蒲萄繡腰中合歡綺
佳人殊未來薄暮空徙倚

江南曲

櫂歌發江潭采蓮渡湘南
甯須問隱處舟浦予自諳
羅衣織成帶墮馬碧玉簪
但令舟楫渡甯計路嶄嵌

攜手曲

捨轡下彫輅更衣奉玉牀
斜簪映秋水開鏡比春妝
所畏紅顏促君恩不可長
鵝冠且容裔豈吝桂枝亡

詠湖中雁

白水滿春塘旅雁每回翔
淒流牽弱藻斂翮帶餘霜
羣浮動輕浪單汎逐孤光
縣飛竟不下亂起未成行
刷羽同搖漾一舉還故鄉

冬節後至丞相第詣世子車中作

廉公失權勢門館有虛盈
貴賤猶如此況乃曲池平
高車塵未滅珠履故餘聲
賓階綠錢滿客位紫苔生
誰當九原上鬱鬱望佳城

汎永康江

長枝萌紫葉清源泛綠苔
山光浮水至春色犯寒來
臨睨信永矣望美曖悠哉
寄言幽閨妾羅袖勿空裁

別范安成

生平少年日分手易前期及爾同衰暮非復別離時勿言
一尊酒明日難重持夢中不識路何以慰相思

初春

扶道覓陽春相將共攜手草色猶自非林中都未有無事
逐梅花空教信楊柳且復共歸來含情寄杯酒

春思

楊柳亂如絲綺羅不自持春草黃復綠客心傷此時青落
已結情碧水復盈淇日華照趙瑟風色動燕姬衿前萬行
淚故是一相思

詠簾

江南簫管地妙響發孫枝殷勤寄玉指含情舉復垂彫梁
再三繞輕塵四五移曲中有深意丹誠君詎知

詠桃

風來吹葉動風去畏花傷紅英已照灼況復含日光歌童
暗理曲游女夜縫裳詎減當春淚能斷思人腸

詠青苔

緣階已漠漠汎水復緜緜微根如欲斷輕絲似更聯長風
隱細草深堂沒綺錢縈鬱無人贈葳蕤徒可憐
爲鄰人有懷不至

影逐斜月來香隨遠風入言是定知非欲笑翻成泣

石塘瀨聽蜩

噉噉夜蜩鳴溶溶晨霧合不知聲遠近惟見山重沓既歡
東嶺唱復佇西巖答

江淹

征怨

蕩子從征久鳳樓簫管閒獨枕凋雲鬢孤燈損玉顏何日
邊塵淨庭前征馬還

范雲

巫山高

巫山高不極白日隱光輝
靄靄朝雲去冥冥暮雨歸
巖縣獸無跡林暗鳥疑飛
枕席竟誰薦相望空依依

有所思

如何有所思而無相見時
宿昔夢顏色階庭尋履綦
高張更何已引滿終自持
欲知憂能老爲視鏡中絲

閨思

春草醉春煙深閨人獨眠
積恨顏將老相思心欲然
幾回明月夜飛夢到郎邊

邱遲

敬酬柳僕射征怨

清歌自信妍雅舞空仙仙耳中解明月頭上落金鈿雀飛
且近遠暮入綺窗前魚戲雖南北終還荷葉邊惟見君行
久新年非故年

贈何郎

向夕秋風起野馬雜塵埃憂至猶如繞詎是故人來檐際
落黃葉階前網綠苔遙情不入酒望美信難哉

題琴朴奉柳吳興

邊山此嘉樹搖影出雲垂清心有素體直榦無曲枝凡耳
非所別君子特見知不辭去根本造邾仰光儀

芳樹

芳葉已漠漠嘉實復離離發景旁雲屋凝輝覆華池輕蜂
掇浮穎弱鳥隱深枝一朝容色茂千春長不移

王僧孺

鼓瑟曲有所思

夜風吹熠燿朝光照昔邪幾銷薜蘿葉空落蒲萄花不堪
長織素誰能獨浣紗光陰復何極望促反成賒知君自蕩
子奈妾亦倡家

秋日愁居答孔主簿

首秋雲物善晝暑旦猶清日華隨水汎樹影逐風輕依簾
野馬合當戶昔邪生物我一無際人鳥不相驚儻過北山

北聊訪法高卿

春閨怨

愁來不理鬢春至更攢眉悲看蛺蝶粉泣望蜘蛛絲月映
寒蛩褥風吹翡翠帷飛鱗難託意駛翼不銜詞

秋閨怨

斜光隱西壁暮雀上南枝風來秋扇屏月出夜燈吹深心
起百際遙淚非一垂徒勞妾辛苦終言君不知

在王晉安酒席數韻

窈窕朱華容但歌有清曲轉盼非無以斜眉幸相屬詎減
許飛瓊多勝劉碧玉何因送款款半飲杯中綠

爲姬人自傷

自知心裏恨還向影中羞迴持昔慊慊變作今悠悠還君
與妾扇歸妾贈君裘斷弦猶可續心去最難留

爲人寵姬有怨

可憐獨立樹枝輕根易搖已爲露所浥復爲風所飄錦衾
襖不開端坐夜及朝是妾愁成瘦非君重細腰

爲徐僕射妓作

日晚應歸去上客強盤桓稍知玉釵重漸見羅襦寒

夜愁示諸賓

檐露滴爲珠池水合成瑩萬行朝淚寫千里夜愁積孤帳

閉不開寒膏盡復益誰知心眼亂看朱忽成碧

柳惲

長門怨

玉壺夜悄悄應門重且深秋風動桂樹流月搖輕陰綺檐
清露漙罔戶思蟲吟歎息下蘭閣含愁奏雅琴何由鳴曉
佩復得抱宵衾無復金屋念豈照長門心

起夜來

城南斷車騎閣道覆青埃露華光翠罔月影入蘭臺洞房
且莫掩應門或復開颯颯秋桂響非君起夜來

詠薔薇

當戶種薔薇枝葉太歲蕤不搖香已亂無風花自飛春閨
不能靜開匣理明妃曲池浮采采斜岸列依依或聞好音
度時見銜泥歸且對清醑湛其餘任是非

庾肩吾

賦得有所思

佳期竟不歸春日坐芳菲拂匣看離鏡開箱見別衣井梧
生未合宮槐卷復稀不及銜泥燕從來相逐飛

九日侍宴樂游苑應令

轍跡光周頃巡游盛夏功鉤陳萬騎轉闔闔九關通秋輝
逐行漏朔氣繞相風獻壽重陽節回鑾上苑中疏山閣輦

道閒樹出離宮玉醴吹巖菊銀牀落井桐御梨寒更紫仙
桃秋轉紅飲羽山西射浮雲冀北驄塵飛金埒滿葉破柳
條空騰蜎疑矯箭驚雁避虛弓彫材濫杞梓花綬接鷓鴣
愧乏天庭藻徒參文雅雄

從皇太子出元圃應令

春光起麗譙屣步陟山椒閣影臨飛蓋鷖鳴入洞簫水還
登故渚樹長蔭前橋綠荷生綺葉丹藤上細苗顧循慙振
藻何用擬瓊瑤

游甌山

平子去已久餘風今復追未必游春草王孫自不歸路高

村反出林長鳥更稀寒雲閒石起秋葉下山飛西河方閱
訓詁得解朝衣

蔬圃堂

北宮多暇豫時駕總鑾鑣路靜籛葭撤輪移羽蓋飄臨空
坐飛觀回首望浮橋風長曙鐘近地迴洛城遙疎林不礙
日涸浦暫通潮徒然等賓從並作愧羣僚

尋周處士弘讓

試逐赤松游披林對一邱梨紅大谷晚桂白小山秋石鏡
菱花發桐門琴曲愁泉飛疑度雨雲積似重樓王孫若不
去山中定可留

賦得稽叔夜

山林重明滅風月臨囂塵著書惟隱士談元止谷神雁重
翻傷性蠶寒更養身廣陵餘故曲山陽有舊鄰俗儉甯防
患才多反累身寄言山吏部無以助庖人

寶漢高廟

昔在唐山曲今承紫貝壇甯知臨楚岸非復望長安野曠
秋先動林高葉早殘塵飛遠騎沒日徙半峰寒徒然仰成
誦終用試才難

亂後行經吳御亭

郵亭一回望風塵千里昏青袍異春草白馬卽吳門獯戎

顓伊洛雜種亂轅轅輦道同關塞王城似太原休明鼎尙
重秉禮國猶存殷牖爰雖蹟堯城吏轉尊泣血悲東走橫
戈念北奔方憑七廟略誓雪五陵冤人事今如此天道其
誰論

經陳思王墓

公子獨憂生邱隴擅餘名采樵枯樹盡犁田荒隧平甯追
宴平樂詎想謁承明旦余來錫命兼言事結成飄飄河朔
遠颺颺颼風鳴雁與雲俱陳沙將蓬共驚枯桑落古社寒
鳥歸孤城隴水哀葭曲漁陽慘鼓聲離家來遠客安得不
傷情

奉和春夜應令

春牖對芳洲珠簾新上鉤
燒香知夜漏刻燭驗更籌
天禽下北閣織女入西樓
月皎疑非夜林疎似更秋
水光縣蕩壁山翠下添流
詎假西園燕無勞飛蓋游

詠美人

絳樹及西施俱是好容儀
非關能結束本自細腰支
鏡前難並照相將映淥池
看妝畏水動斂衷避風吹
轉手齊裾亂橫簪歷鬢垂
曲中人未取誰堪白日移
不分他相識唯聽使君知

南苑看人還

春花競玉顏俱折復俱攀細腰宜窄衣長釵巧挾鬟浴橋
初度燭青門欲上關中人應有望上客莫前還
看放市

旗亭出御道游目暫回車旣非隨舞鶴聊思索枯魚縣疆
識季主勝酒見相如日中人已合黃昏故未疎

和望月

桂殿月偏來留光引上才圓隨漢東蚌暈逐淮南灰渡河
光不溼移輪轍詎開此夜臨清景還承終宴杯

和徐主簿望月

樓上徘徊月窗中愁思人照雪光偏冷臨花色轉春星流

時入暈桂長欲侵輪願以重光曲承君歌扇塵

春日

桃紅柳絮白照日復隨風影出朱城外香歸青殿中水暎
寄生竹山橫半死桐頒文知渥重擲札愧才空

未央才人歌

從來守未央轉欲訝春芳朝風陵日色夜月奪燈光相逢
儻游豫暫爲卷衣裳

奉和湘東王應令二首

春宵

征人別來久年芳復臨牖燭下夜縫衣春寒偏著手願及

歸飛雁因書寄高柳

冬曉

鄰雞聲已傳愁人竟不眠
月光侵曙後霜明落曉前
紫鬟起照鏡誰忍插花鈿

詠舞

飛鳧喪始拂曉烏曲未終聊因斷續唱試託往還風
詠長信宮中草

委翠似知節含芳如有情
全由履跡少併欲上階生

八代詩選第十二

齊已後新體詩第二

八代詩選十三

梁卷下陳全卷

長沙湘潭王闔運撰

吳均

渡易水

雜虜客來齊時余在角觝揚鞭渡易水直至龍城西日昏
笳亂動天曙馬爭嘶不能通瀚海無面見三齊

妾安所居

賤妾先有寵蛾眉進不遲一從西北麗無復城南期何因
暫豔逸豈爲乏妍姿徒有黃昏望甯遇青樓時惟惜應門
掩方餘永巷悲匡牀終不共何由橫自私

陌上桑

嫋嫋陌上桑蔭陌復垂塘長條映白日細葉隱鸝黃蠶飢
妾復思拭淚且提筐故人甯知此離恨煎人腸

秦王卷衣

咸陽春草芳秦帝卷衣裳玉檢茱萸匣金泥蘇合香初芳
薰複帳餘輝曜玉牀當須晏朝罷持此贈華陽

贈搖郎

星漢正參差佳人不在斯宿昔暫乖阻何異遠分離霧染
薜蘿葉日照茺蘭枝風光已飄薄雲采復逶迤勞夢無人
覺默默心自知

發湘州贈親故別三首

相送出江潯淚下霑衣襟何用敘離別臨岐贈好音
教通才如此君山學復深明哲遂無賞文華空見沈
古來非一日無事更勞心

雲生曉靄靄花落夜霏霏問余何意別答言倦游歸
徒勞易水布空負洛陽衣懷金無人別抱玉遂成非
安得久留滯商山饒白薇

君留朱門裏我至廣江濱城高望猶見風多聽不聞
流蘋方繞繞落葉向紛紛無由得共賞山川閒白雲

同柳吳興何山集送劉餘杭

王孫重離別置酒峯之巖逶迤川上草參差澗裏薇輕雲
紉遠岫細雨沐山衣檐端水禽息窗上野螢飛君隨綠波
遠我逐清風歸

登壽陽八公山

遠澗自傾曲石漱復淺淺含珠岸恆翠懷玉浪多圓疎峯
時吐月密樹不開天瑤繩盡元祕金檢上奇篇是有琴高
者陵波去水仙

江上酬鮑畿

振棹出江湄依依望九疑欲歇蒼梧帝過問沅湘姬折荷
縫作蓋落羽紡成絲吾行別有意不爲君道之

酬聞人侍郎別三首

悵然心不樂萬里向悠悠
淩朝憩枉渚薄暮邊江洲
君住青門上我發霸陵頭
相思自有處春風明月樓

整棹北川湄回首望城邑
林疎風至少山高雲度急
其懷萬里心各作千行泣
欲見終無緣思君空佇立

贈鮑春陵別

落葉思紛紛蟬聲猶可聞
水中千丈月山上萬里雲
海鴻來條去林花合復分
所憂別離意白露下霑裙

迎柳吳興道中

團團日西靡客念已蹉跎
長風倒危葉輕練網寒波
白雲

光彩麗青松意氣多所言飽恩德忘我北山蘿

古意

雜虜寇銅鞮征役去三齊扶山翦疏勒
旁海掃沈黎劍光夜揮電馬汗晝成泥
何當見天子畫地取關西

匈奴數欲盡僕在玉門關蓮花寄劍鏢
秋月掩刀環春機思窈窕夏鳥鳴綿蠻
中人坐相望狂夫終未還

賤妾思不堪采桑渭城南帶減連枝繡
髮亂鳳皇簪花舞依長薄蛾飛愛綠潭
無由報君信流涕向春蠶

何處報君書隴右五岐路淚研兔枝墨
筆染鷺毛素碧浮甯渚水香下洞庭路
應歸遂不歸芳春空擲度

妾家橫塘北發豔小長干花釵玉宛轉珠繩金絡丸冪歷
縣丹鳳逶迤搖白團誰能分見此含恨不能言

去妾贈前夫

棄妾在河橋相思復相遼鳳皇簪落髮蓮花帶緩腰腸從
別處斷兒在淚中消願君憶疇昔片言時見饒

春詠

春從何處來拂水復驚梅雲障青瑣闥風吹承露臺美人
隔千里羅幃閉不開無由得共語空對相思杯

主人池前鶴

本自乘軒者爲君階下禽摧藏多好兒清唳有奇音稻粱

惠旣重華池遇亦深懷恩未忍去非無江海心

何遜

銅雀伎

秋風木葉落蕭瑟管絃清望陵歌對酒向帳舞空城寂寂
檐宇曠飄飄帷幔輕曲終相顧起日暮松柏聲

九日侍宴樂游苑

皇德無餘讓重規襲帝勛垂衣化比屋睠顧愼爲君翺飛
悅有道卉木荷平分宸襟動時豫歲序屬涼氛城霞旦晃
朗槐霧曉氤氲鸞輿和八襲鳳駕啟千羣羽觴歡湛露脩
舞奏承雲禁林終宴晚華池物色曠疏樹翻高葉寒流聚

細紋晴軒連瑞氣同惹御香芬日斜迢遞宇風起嵯峨雲
運偶參侯服恩洽廁朝聞於焉藉多幸歲暮仰游汾

秋夕仰贈從兄

宿蕙漸翻葉池蓮稍罷花高樹北風響空庭秋月華寸心
懷是夜寂寂漏方賒撫絃乏歡娛臨觴獨歎嗟悽愴戶涼
入裴回欄影斜無爲淹戚里見就還田家

南還道中送贈劉諮議別

一官從府役五稔去京華遽逐春流去歸帆得望家天末
靜波浪日際斂煙霞岸薺生寒葉村梅落早花游魚上急
水獨鳥赴行查目想平陵柏心憶青門瓜曲陌背通垣長

墟抵狹斜善鄰談稼穀故老述桑麻寢興從閒逸視聽絕
喧譁夫君日高興爲樂坐驕奢室墮傾城佩門交接轡車
入塞長雲雨出國暫泥沙握手分歧路臨川何怨嗟
春夕早泊和劉諮議落日望水

旅人嗟倦游結纜坐春洲日暮江風靜中川聞棹謳草光
天際合霞影水中浮單艫時向浦獨楫乍乘流變童泣垂
釣天姬哭蕩舟客心自有緒對此空復愁

學古贈邱永嘉征還

龍馬魚腸劒躩蹠起風塵結客蔥河返喧喧動四鄰入墟
猶憶舊覓巷復疑新窺見應門出遙識下機人相悲淚欲

下離別方自陳

夜夢故人

客心驚夜魂言與故人同開簾覺水動映竹見牀空浦口
望斜月洲外聞長風九秋時未晚千里路難窮已如擁腫
木復似飄飄蓬相思不可寄直在寸心中

七夕

仙車駐七襄鳳駕出天潢月映九微火風吹百和香來懽
暫巧笑還淚已噤妝依稀如洛汭倏忽似高唐別離未得
語河漢漸湯湯

詠早梅

兔園標物序驚時最是梅銜霜當路發映雪擬寒開枝橫
卻月觀花繞陵風臺朝灑長門泣夕駐臨邛杯應知早飄
落故逐上春來

行經孫氏陵

昔在零陵厭神器若無依逐兔爭先捷倚鹿競因機呼噏
開伯道叱咤掩江畿豹變分奇略虎視鬪戎威長蛇魴巴
漢驥馬絕淮淝交戰無內禦重門豈外扉成功舉已棄因
德愎而違水龍忽東驚青蓋乃西歸竭來已永久年代暖
微微苔石疑文字荆墳失是非山鶯空曙響隴月自秋輝
銀海終無浪金鳬會不飛闌寂今如此望望霑人衣

贈王左丞

欄外鷓鴣罷園裏日光斜游魚亂水葉輕燕逐風花長墟
上寒靄曉樹沒歸霞九華暮已隱抱鬱徒交加

日夕出富陽浦口和朗公

客心愁日暮徙倚空望歸山煙涵樹色江水映霞輝獨鶴
凌空逝雙鳬出浪飛故鄉幾千里茲夕歎無衣

與胡興安夜別

居人行轉軾客子暫維舟念此一筵笑分爲兩地愁露溼
寒塘草月映清淮流方抱新離恨獨守故園秋

慈姥磯

暮煙起遙岸斜日照安流一同心賞夕暫解去鄉憂野岸
平沙合連山遠霧浮客悲不自己江上望歸舟

與虞記室詠扇

如珪信非玷學月但爲輪機杼靡蕪妾裁縫篋笥人搖風
入素手占曲掩朱脣羅衷幸拂拭微芳聊可因

詠舞

管清羅薦合絃驚雪裏遲逐唱迴纖手聽曲轉蛾眉凝情
盼墮珥微睇託含辭日暮留嘉客相看愛此時

蕭子範

春望古意

光景斜漢宮橫梁照采虹春情寄柳色鳥語出梅中氛氲
闌裏思逶迤水上風落花徒入戶何解妾牀空

夜聽雁

天月廣庭輝游雁犯霜飛連翩辭朔氣嘹唳獨南歸夜長
寒復靜燈光暖欲微悽悽不可聽何況獨愁機

後堂聽蟬

試逐微風遠聊隨夏葉繁輕飛避楚雀飲露入吳園流音
繞叢藿餘響切高軒借問邊城客傷情甯可言

入元襄王第

伏軾窺東苑收淚下玉橋昔時方轂處於今其寂寥夾池

猶裊裊仙樹尙迢迢一同西靡柏徒思芳樹蕭

蕭子顯

奉和昭明太子鍾山講解

嵩岳基舊宇盤領跨南京
睿心重禪室游駕陟曾城
金輅徐旣動龍驂躍且鳴
涂方後塵合地迴前笳清
邈迤因臺榭參差憩羽旌
高隨閭風極勢與元天并
氣歇連松遠雲昇秋野平
裴回臨井邑表裏見淮瀛
祈果尊常住渴慧在無生
暫留石山軌欲知芳杜情
鞠躬荷嘉慶瞻道聞頌聲
春闈思

金羈游俠子綺機離思妾
春度人不歸望花盡成葉

蕭子雲

寒夜直坊憶袁三公

滴滴雨鳴階
惜惜茲夜靜
風落宣猷樹
寒凋承光屏
高帷曉獨垂
華燭夜空冷
所思不相見
方知寒漏永

春思

春風蕩羅帳
餘花落鏡匣
池荷正卷葉
庭柳復垂檐
竹柏君自改
團扇妾方嫌
誰能憐故素
終爲泣新縑

蕭子輝

春宵

夜夜妾偏棲
百花含露低
蟲聲繞春岸
月色思空閨
傳語

長安驛辛苦寄遼西

冬曉

步闌光欲通曙鳥向西東
燭滅傳餘氣帷香開曉風
繁花無處盡還銷寒鏡中

蕭鈞

晚景游汎懷友

龍開依御溝鳳轄轉芳洲
雲峯初辨夏麥氣早迎秋
山翠餘煙積川平晚照收
浪隨文鷁轉渡逐彩鴛浮
風花轉未落巖泉咽不流
一辭金谷苑空想竹林游

蕭琛

餞謝文學

執手無還顧別渚有西東
荆吳眇何際煙波千里通
春篴方解籜弱柳向低風
相思將安寄悵望南飛鴻

蕭瑱

春日貽劉孝綽

澗水初流碧山櫻早發紅
新禽爭弄響落縈亂從風拂
筵多輓榦映戶悉花叢
誰云相去遠垂柳對高桐

王籍

入若耶溪

舳艫何汎汎空水共悠悠
陰霞生遠岫陽景逐回流
蟬噪

八代詩選

新體詩二
梁下陳全

十

林逾靜鳥鳴山更幽此地動歸念長年悲倦游

王訓

獨不見

日晚宜春暮風輒上林朝對酒近初節開樓蕩夜嬌石橋
通小澗竹路上青霄持底誰見許長愁成細腰

應令詠舞

新妝本絕世妙舞亦如仙傾腰逐韻管斂衽聽張弦裊輕
風易入釵重步難前笑態千金動衣香十里傳將持比飛
燕定當誰可憐

王泰

賦得巫山高

迢遞巫山竦遠天
新霽時樹交涼去
遠草合影開遲谷
深流響咽峽近
暖聲悲只言雲雨
狀自有神仙期

王筠

有所思

丹墀生細草
紫殿納輕陰
曖曖巫山遠
悠悠湘水深
徒歌鹿盧劍
空貽瑇瑁簪
望君終不見
屑淚且微吟

俠客篇

俠客趨名利
劍氣坐相矜
黃金塗鞘尾
白玉飾鉤膺
晨馳逸廣陌
日暮返平陵
舉鞭向趙李
與君方代興

奉酬從兄臨川桐樹

伊昔擅羽儀待價龍門垂優游清露點微穆惠風吹月上
陰陽榦雲覆死生枝公子存高尙聊用影華池棲鸞旣不
重舞鶴復何施方同散木爨清響竟誰知

閨情

月出宵將半星流曉未央空閨易成響虛室自生光嬌羞
悅人夢猶言君在旁

劉孝綽

銅雀伎

雀臺三五日絃吹似佳期況復西陵晚松風吹總帷危絃

斷復續妾心傷此時誰言留客袂還掩望陵悲

春日從駕新亭應制

旭日輿輪動言追河曲游紆餘出紫陌迤邐度青樓前驅
掩蘭徑後乘歷芳洲春色江中滿日華巖上留江風傳葆
吹巖華暎采旂臨渦起睿作駟馬暫停輶侍從榮前阮雍
容慙昔劉空然等彈翰非徒嗟未遒

陪徐僕射晚宴

夫君追宴喜十日遞來過築室華池上開軒臨菱荷方塘
交密篠對霤接繁柯景移林改色風去水餘波洛城雖半
掩愛客待驪歌

夕逗繁昌浦

日入江風靜安波似未流岸迴知舳轉纜解覺船浮暮煙生遠渚夕鳥赴前洲隔山聞戍鼓旁浦喧棹謳疑此辰陽宿於此逗孤舟

愛姬贈主人

臥久疑妝脫鏡中私自看薄黛銷將盡凝朱半有殘垂釵繞落鬢微汗染輕紈同羞不相難對笑更成歡妾心君自解挂玉且留冠

爲人贈美人

巫山薦枕日洛浦獻珠時一遇便如此甯關先有期幸非

使君問莫作羅敷辭夜長眠復坐誰知閨斂眉欲寄同花
燭爲照遙相思

賦得照基燭詩刻五分成

南皮弦吹罷終奕且留賓日下房襲閣華燭命佳人側光
全照局迴花半隱身不辭纖手倦羞令夜向晨

劉孝儀

行過康王故第苑

入梁逢故苑度薛見餘宮尙識招賢閣猶懷愛士風靈光
一超遠衡館亦蒙籠洞門餘舊色甘棠留故藪送禽悲不
去過客慕難窮池竹徒如在林堂曖已空遠橋隔樹出迴

澗隱崖通芳流小山桂塵起大王風具物咸如此是地感
余衷空想陵前劒徒悲隴上童

劉孝威

隴頭水

從軍戍隴頭隴水帶沙流時觀胡騎飲常爲漢國羞
鸞妻成兩劒殺子祀雙鉤頓取樓蘭頸就解郅支裘
勿令如李廣功多遂不酬

怨詩

退寵辭金屋見譴斥甘泉枕席秋風起房櫳明月縣
燭避窗中影香迴爐上煙丹庭斜草徑素壁點落錢
歌起蒲生

曲樂奏下山絃新聲昔廣宴餘杯今自傳王嬙向絕漢宗
女入祁連雁書猶未返角馬無歸年昭臺有媵御曾阪無
棄捐後薪隨復積前魚誰更憐

和王竟陵愛妾換馬

驄馬出樓蘭一步九盤桓小史贖金絡良工送玉鞍龍驤
來甚易烏孫去實難麟膠妾猶有請爲急絃彈

出新林

芒山眊洛邑函谷望秦京遙分承露掌遠見長安城故鄉
已可識游子必勞情霧罷前林見風息涌川平坐觀暮潮
落漸見夕煙生無由一羽化徒想御風輕

行還值雨又爲清道所駐

齊楚磐石貴韓吳異姓王俱乘早朝罷相隨出建章喧呼
驚里閭叫咷駭康莊阜駟同隼擊青橐似鷹揚掖門南北
遠複道西東長旛旗爭絡繹官騎鬱相望微風生檠傳輕
雨潤帷裳油衣分競道小蓋列成行八舍便繁密五營輿
服光回車避司隸俄軒揖內郎況余白屋士自依卑路旁
日月雖臨照仄陋難明敷早榮羞日及晚知慙豫章徒抱
陵雲志終愧摩天翔安能久淪辱圖南會有方

苦暑

暮日苦炎溽遷坐接階廊月麗嬋娥影星含織女光棲禽

動夜竹流螢出閭牆香盤糝鮮粉彫壺承玉漿白羽徒垂
握綠水自周堂弱紉猶覺重織絺尙少涼弄風思漢朔戲
雨憶吳王元冰術難驗赤道漏猶長誰能更吹律還令黍
谷涼

奉和湘東王應令冬曉

妾家邊洛城慣識曉鐘聲鐘聲猶未盡漢使報應行天寒
硯冰凍心悲書不成

劉孝先

草堂寺尋無名法師

飛鏡點青天橫照滿樓前深林生夜冷複閣上宵煙葉動

花中露滴鳴閭裏泉竹風聲若雨山蟲聽似蟬摘果仍荷
藉酌水用花傳一卮聊自飲萬事豈蕭然

和無名法師秋夜草堂寺禪房月下

幽人住山北月上照山東洞戶臨松徑虛窗隱竹叢出林
避炎影步逕逐涼風平雲斷高岫長河隔淨空數螢流暗
草一鳥宿疎桐興逸煙霄上神閒宇宙中還思城闕下何
異處樊籠

詠竹

竹生荒野外梢雲聳百尋無人賞高節徒自抱貞心恥染
湘妃淚羞入上宮琴誰能制長笛當爲吐龍吟

春宵

夜樓明月弦露下百花鮮情多意不設
曉罷未歸眠燉煌定若遠一信動經年

劉遵

度關山

隴樹寒色落塞雲朝欲開谷深輦易響
路狹幘難回當知結綬去非是棄繻來
行人思願返道別且裴回願度關山鶴
勞歌正可哀

陶宏景

詔問山中何所有賦詩以答

山中何所有嶺上多白雲只可自怡悅不堪持贈君

徐防

賦得觀濤

雲容雜浪起楚水漫吳流漸看遙樹沒稍見遠天浮漁人
迷舊浦海鳥失前洲不測滄溟曠輕鱗幸自游

徐君蒨

初春攜內人行戲

梳飾多今世衣著一時新草短猶通屣梅香漸著人樹斜
牽錦帔風橫入紅綸滿酌蘭英酒對此得娛神

鮑至

山池應令

望園光景莫林觀
歇雲埃荷疎不礙
櫂石淺好縈落風
光
逐榜轉山望向橋
開樹交樓影沒岸
暗水光來

劉緩

看美人摘薔薇

新花臨曲池佳麗
復相隨鮮紅同映
水輕香共逐吹繞
架
尋多處窺叢見好
枝矜新猶恨少將
故復嫌萎釵邊瀾
漫
插無處不相宜

劉媛

新月

仙宮雲箔卷露出玉簾鉤清光無所贈相憶鳳皇樓

陸罩

閨怨

自憐斷帶日偏恨分釵時留步惜餘影含意結愁眉徒知
今異昔空使怨成思欲以別離思獨向蘼蕪悲

虞羲

春郊

光風轉蕙晦香霧鬱蘭津暄遲蝶弄蘼景麗鳥和春樵歌
喧隴暮漁樵亂江晨山中芳杜若依依獨思人

虞騫

尋沈剡溪夕至嵎亭

命緝尋嘉會信次歷山原捫天上雲
紉攀石下雷奔澄潭
寫度鳥空嶺應鳴陂榜歌唱將夕
商子處方昏

江洪

淶水曲

潺湲復皎絜輕鮮自可悅橫使有情禽
照影遂孤絕
塵容不忍飾臨池思客歸誰能取淶水
無趣浣羅衣

秋風曲

北牖風摧樹南籬寒蛩吟庭中無限月
思婦夜鳴砧

何思澄

八代詩選

梁下陳全

六

奉和湘東王教班婕妤

寂寂長信晚雀聲喧洞房
蜘蛛罔高閣蛟薜被長廊
虛殿簾幃靜閒階花縈香
悠悠視日暮還復守空牀

費昶

春郊見美人

芳郊拾翠人迴衷卷芳春
金輝起步搖紅綵發吹緇
陽陽蓋頂日飄飄馬足塵
薄暮高樓下當知妾姓秦

詠照鏡

晨輝照杏梁飛燕起朝妝
留心散廣黛輕手約花黃
正釵時念影拂絮且憐香
方嫌翠色故乍道玉無光
城中皆半

額非妾畫眉長

庾丹

夜夢還家

歸飛夢所憶其子汲寒漿銅瓶素絲綆綺井白銀牀雀出
丰茸樹蟲飛璫瑁梁離人不相見爭忍對春光

鮑泉

落日看還

妖姬競早春上苑逐名辰落萼輕變水色霞濃掩日輪彫
斜逐景畫扇拂游塵衣香遙已度衫紅遠更新誰家蕩舟
妾何處織縑人

紀少瑜

詠殘燈

殘燈猶未滅將盡更揚輝
唯餘一兩焰纔得解羅衣

朱超

詠同心芙蓉

青山麗朝景元峯朗夜光
未及清池上紅蕖並出房
日分雙蒂影風合兩花香
魚驚畏蓮折龜上礙荷長
雲雨留輕潤草木隱嘉祥
徒歌涉江曲誰見緝爲裳

奉和登百花亭懷荆楚

亭高登望極春心遠近同
莫恨荆臺隱雲行不礙空
柳色

浮新翠蘭心帶淺紅若因鵬舉便重上龍門中

賦得蕩子行未歸

坐樓愁出望息意不思春無奈園中柳寒時已報人
羞理鬢挑朱嬾向脣何當上路晚風吹還騎塵

舟中望月

大江闊千里孤舟無四鄰唯餘故樓月遠近必隨人入風
先遶暈排霧急移輪若教長似扇堪拂豔歌塵

戴嵩

從軍行

長安夜刺閨胡騎白銅鞮詔書發隴右召募取關西劍縣

三尺鞘鎧累七重犀督軍鳴戰鼓巡夜數更鞞侵星出柳
塞際晚入榆溪秦涇含藥鳩晉火逐飛雞通泉開地道望
敵豎雲梯陰山日不暮長城風自淒弓寒折錦韉馬凍滑
斜蹶燕旗竿上脆羌笛管中嘶登山試下趙憑軾且平齊
當令函谷上唯用一丸泥

神仙篇

徒聞石爲火未見阪停丸暫數盈虛月長隨晝夜濶辭家
試學道逢師得姓韓閩山金靜室蓬邱銀露壇安平醞仙
酒渤海轉神丹初飛喜退鳳新學法乘鸞十芒生月曆六
焰起星肝流瓊播□俗信玉類陽官元都宴晚集紫府事

朝看謝手今爲別誰憐此路難

詠眠

拂枕薰紅幘迴燈復解衣旁邊知夜永不喚定應歸

聞人舊

春日

愁人試出牖春色定無窮參差依罔日瀟蕩入簾風落花
還繞樹輕飛去隱空徒令玉筯泣雙垂明鏡中

王孝禮

詠鏡

可憐不自識終爾因鏡中分眉一等翠對面兩邊紅轉身

人言選 梁下陳全
先見動含笑逆相同猶嫌鏡裏促看人未好通

王淑英妻劉氏

暮寒

梅花自瀾漫百舌早迎春逾寒衣逾薄未肯壞腰身

徐悱妻劉氏

和婕妤怨

日落應門閉愁思百端生況復昭陽近風傳歌吹聲寵移終不恨讒枉太無情祇言爭分理非妬舞腰輕

題甘蕉葉

夕泣已非疎夢哢真太數唯當夜枕知過此無人覺

摘同心梔子贈謝娘因附此詩

兩葉雖爲贈交情永未因同心處何限梔子最關人

陳後主陳叔寶

采桑

春樓髻梳罷南陌競相隨去後花叢散風來香處移
廣裊承朝日長鬟礙聚枝柯新攀易斷葉嫩摘前萎
采繁鉤手弱微汗雜妝垂不應歸獨早堪爲使君知

有所思

蕩子好蘭期留人獨自思落花同淚臉初月似秋眉
階前看草蔓窗中對罔絲不言千里別復是三春時

杳杳與人期遙遙有所思山川千里閒風月兩邊時相對
春邨劇相望景偏遲當由分別久夢來還自疑

臨高臺

晚景登高臺迴望春光來霧濃山後暗日落雲旁開煙裏
看鴻小風來望葉回臨窗已響吹極眺且傾杯

洛陽道

誼譁照邑里遨游出洛京霜枝嫩柳發水蘄薄落生停鞭
回去影駐軸敞前薨臺上經相識城下屢逢迎時嶠還借
問只重未知名

百尺瞰金埒九衢通玉堂柳花塵裏暗槐色露中光游俠

幽并客當壚京兆妝向夕風煙晚金羈滿洛陽

雨雪曲

長城飛雪下邊關地籟吟濛濛九天暗霏霏千里深樹冷
月恆少山霧日偏沈況聽南歸雁切思胡笳音

楊叛兒曲

青春上陽月結伴戲京華龍媒玉珂馬鳳軫繡香車水暎
臨橋樹風吹夾路花日昏歡宴罷相將歸狹斜

同江僕射游攝山棲霞寺

時宰礚溪心非關狎竹林驚嶽青松繞雞峯白日沈天迴
浮雲細山空明月深摧殘枯樹影零落古藤陰霜村夜鳥

去風路寒蟬吟自悲堪出俗詎是欲抽簪

三婦豔詞

大婦避秋風中婦夜牀空小婦初兩髻含嬌新臉紅得意
□□□可憐那可同

大婦西北樓中婦南陌頭小婦初妝點回眉對月鉤可憐
還自覺人看反更羞

大婦妬蛾眉中婦逐春時小婦獨年少相望卷羅幃羅幃
夜寒卷相望人來遲

自君之出矣

自君之出矣霜輝當夜明思君若風影來去不曾停

自君之出矣塵罔暗羅帷思君如落日無有暫還時
自君之出矣房空帷帳輕思君如晝燭懷心不見明
自君之出矣不分道無情思君若寒草零落故心生
入隋侍宴應詔

日月光天德山河壯帝居太平無以報願上東封書

陰鏗

班婕妤怨

柏梁新寵盛長信昔恩傾誰謂詩書巧翻爲歌舞輕花月
分窗進落草共階生接淚衫前滿單眠夢裏驚可惜逢秋
扇何用合歡名

和登百花亭懷荆楚

江陵一柱觀潯陽千里潮風煙望似接川路恨成遙落花
輕未下飛絲斷易飄藤長還依格荷生不避橋陽臺可憶
處唯有暮將朝

廣陵岸送北使

行人引去節送客艤歸艫卽是觀濤處仍爲郊贈衢汀洲
浪已息邗江路不紆亭嘶背櫪馬檣轉向風鳥海上春雲
雜天際晚帆孤離舟對零雨別渚望飛覺定知能下淚非
但一楊朱

江津送劉光祿不及

依然臨送渚長望倚河津鼓聲隨聽絕帆勢與雲鄰泊處
空餘鳥離亭已散人林寒正下葉釣晚欲收綸如何相背
遠江漢與城闔

和傅郎歲暮還湘洲

蒼茫歲欲晚辛苦客方行大江靜猶浪扁舟獨且征棠枯
絳葉盡蘆凍白花輕戍人寒不望沙禽迴未驚灘沒各深
淺空軫念歸情

渡青草湖

洞庭春溜滿平湖錦帆張沅水桃花色湘流杜若香穴去
茅山近江連巫峽長帶天澄迴碧映日動浮光行舟逗遠

樹度鳥息危檣滔滔不可測一葦詎能航

開善寺

鸞嶺春光遍王城野望通登臨情不極蕭散趣無窮
隨入戶樹花逐下山風棟裏歸雲白窗外落輝紅古石何年
臥枯樹幾春空淹留情未反幽桂在芳叢

行經古墓

偃松將古墓年代理當深表柱應堪燭碑書欲有金迴墳
由路毀荒隧受田侵霏霏野霧合昏昏隴日沈縣劍今何
在風楊空自吟

晚出新亭

大江一浩蕩離悲足幾重潮落猶如蓋雲昏不作峯遠戍
唯聞鼓寒山但見松九十方稱半歸塗詎有蹤

侯司空宅詠伎

佳人遍綺席妙曲動鵲弦樓似陽臺上迥如洛水邊
歌扇後花落舞衫前翠柳將斜日俱照晚妝鮮

雪裏梅花

春近寒雖轉梅舒雪尙飄從風還共落照日不俱消
葉開隨足影花多助重條今來漸異昨向晚判勝朝

五洲夜發

夜江霧裏闊新月迴中明溜船惟識火驚鳧但聽聲
勞者

時歌榜愁人數問更

徐陵

關山月

關山三五月客子憶秦川思婦高樓上當窗應未眠星旗
映疎勒雲陳上祁連戰氣今如此從軍復幾年

月出柳城東微雲掩復通蒼茫縈白暈蕭瑟帶長風羌兵
燒上郡胡騎獵雲中將軍擁節起戰士夜鳴弓

走筆戲書應令

此日乍殷勤相嫌不如春今宵花燭淚非是夜迎人舞席
秋來卷歌筵無數塵曾經新代故那惡故迎新片月窺花

簾輕寒入錦中秋來應瘦盡偏自著腰身

和簡文帝賽漢高帝廟

山宮類牛首漢寢若龍川玉盃無秋耐金燈滅夜煙丹帷
迫靈嶽紺席下羣仙堂虛沛筑響釵低戚舞妍何殊后廟
裏子建作華篇

別毛永嘉

願子厲風規歸來振羽儀嗟余今老病此別空長離白馬
君來哭黃泉我詎知徒勞脫寶劍空挂隴頭枝

秋日別庾正員

征塗轉愁旆連騎慘停鑣朔氣淩疎木江風送上潮青雀

離帆遠朱鳶別路遙唯有當秋月夜夜上河橋

內園逐涼

昔有北山北今余東海東納涼高樹下直坐落花中狹逕
長無跡茅齋本自空提琴就竹篠酌酒勸梧桐

沈炯

望郢州城

魂兮何處返非死復非仙坐柯如昨日合石未淹年
歷陽頓成浦東海果爲田空憶扶風詠誰見峴山傳
世變才良改時移民物遷悲哉孫驃騎悠悠哭彼天

長安還至方山愴然自傷

秦軍阬趙卒遂有一人生雖還舊鄉里危心曾未平淮源
比桐柏方山似削成猶疑屯虜騎尙畏值胡兵空村餘拱
木廢邑有殯城舊識旣已盡新知皆異名百年三萬日處
處此傷情

張正見

度關山

關山度曉月劍客遠從征雲中出迴陳天外落奇兵輪摧
偃去節樹倒礙縣旌沙揚折阪暗雲積榆谿明馬倦時銜
草人疲屢看城寒隴胡笳迴空林漢鼓鳴還聽鳴咽水併
切斷腸聲

釣竿篇

結宇長江側垂釣廣川
潯竹竿橫翡翠桂髓擲黃金
人來水鳥沒楫度岸花沈
蓮搖見魚近綸盡覺潭深
渭水終須卜滄浪徒自吟
空嗟芳餌下獨見有貪心

采桑

春樓曙鳥驚蠶妾候初晴
迎風金珥落向日玉釵明
徒顧移籠影攀鉤動釧聲
葉高知手弱枝軟覺身輕
人多羞借問年少怯逢迎
恐疑夫婿遠聊復答專城

怨詩

新豐妖冶地游俠競驕奢
池臺間羅綺桃李雜煙霞
蓋影

分連騎衣香合並車豔粉驚飛蝶紅妝映落花舞衫飄冶
裏歌扇掩團紗玉牀珠帳卷金樓鏡月斜還疑蕭史鳳不
及季倫家

關山月

巖閒度月華流彩映山斜暈逐連城璧輪隨出塞車唐莫
遙合影秦桂遠分花欲驗盈虛理方知道路賒

長安有狹斜行

少年重游俠長安有狹斜路窄時容馬枝高易度車櫓高
同落照巷小共飛花相逢夾繡轂借問是誰家

與錢元智汎舟

高門事休沐朝野恣逢迎還乘金谷水俱望洛陽城舟移
津女渡楫動湄橋橫風高雁已落雨霽水還清葉盡桐門
淨花秋菊岸明欲奏江南曲聊習棹歌行

浦狹村煙度

茅蘭夾兩岸野燎燭中川村長台夜影水狹度浮煙收光
暗鳥弋分火照漁船山人不炊桂樵華幸其然

賦新題得蘭生野徑

披襟出蘭畹命酌動幽心勸罷還開路歌喧自動琴華燈
其影落芳杜雜花深莫言閒逕裏遂不斷黃金

賦新題得寒樹晚蟬疎

寒蟬噪楊柳朔吹犯梧桐葉迴飛難住枝殘影共空聲疎
飲露後唱絕斷絃中還因搖落處寂寞盡秋風

祖孫登

詠水

灑泉紫闕映珠浦碧沙沈岸闊蓮香遠流清雲影深風潭
如拂鏡山溜似調琴請君看皎絜知有澹然心
賦得涉江采芙蓉

浮照滿川漲芙蓉承落光人來閒花影衣渡得荷香桂舟
輕不定菱歌引更長采采嗟離別無暇緝爲裳

謝燮

隴頭水

隴阪望咸陽
征人慘思腸
咽流喧斷岸
游沫聚飛梁
鳬分斂冰彩
虹飲照旗光
試聽鐃歌曲
唯吟君馬黃

早梅

迎春故早發
獨自不疑寒
畏落眾花後
無人別意看

何胥

吳陳昭

思人適舊館
寂寞非一源
無復酣歌樂
空餘燕雀喧
落暉隱窮巷
秋風生故園
撫孤空對此
零淚欲奚言

蘇子卿

梅花落

中庭一樹梅寒多葉未開祇言花是雪不悟有香來上郡
春恆晚高樓年易催織書偏有意教逐錦文回

賀力牧

關山月

重關斂暮煙明月下秋前照石疑分鏡臨弓似引弦霧暗
迷旗影霜濃溼劒蓮此處離鄉客遙心萬里縣

亂後別蘇州人

裴回睇閭闔悵望極姑蘇慨矣嗟荒運悲哉惜霸圖子常
終覆郢宰詔遂亡吳石隕星方暗山崩川自枯周京摧械

八代詩選

新體詩二
梁下陳全

三

樸漢社落枌榆宮毀無巢燕城空餘堞烏茲邦號端委多
士自相趨照廡同燕石光車等魏珠言離已惆悵念別更
峙嶠若訪任公子求余東海隅

伏知道

賦得招隱

招隱訪仙楹邱中琴正鳴桂叢侵石路桃花隔世情薄暮
安車近林喧山鳥驚

陸系

有所思

別念限城闔還思樓上人淚想離前落愁聞別後新月來

疑舞扇花度憶歌塵只看今夜裏那似隔河津

江輝

劉生

五陵多美選六郡盡良家劉生代豪蕩標舉獨榮華寶劍
長三尺金尊滿百花唯當重意氣何處有驕奢

蕭琳

隔壁聽伎

徒聞絃管切不見舞腰迴惟有歌梁共塵飛一半來

八代詩選第十三